



Jun wo^{'20} ex jun wix

Tqanil

Ch

itzun qa jun maj, atitaaq jun nitz' wo' toj tb'e a'. Na'mxtaq tel sak', tzmaxixtaq nleqpije toj xoq'l. Jun maj, kub' tximin tu'n tok ten lipil noqx jachaaq taj. ¡Ma b'ant nlipane, ma b'ant nlipane! chi. Oxix tze'je nitz'²¹ wo'.





Jun maj, jup kub' ttab'il wo'. Ok ten lipil. Mixti' ul tuj ttab'il qa otaq tz'el laq'e tk'etz tb'e a'. Nimxi'x otaq tz'el laq'eya. Otaq pon toj nim quq. Antza ok yupje.

Nim jaw b'isin nitz' wo'. Okten oq'il tu'n nim we'yaj ex k'waj.

Otaq kub' jilj. Mixti' tuj ttab'il tej tpon jun wi' tk'atz.

¡Je'ky! Titzun nb'ajteya? Chi wi' te nitz' wo'.

Tu'n ikyju, ok ten wi' x'chal ti'j nitz' wo'. El tklo'n tib' wo', b'e'x ok ten lipil, lipil, lipil. Tej ttzaj tna'n tib' otaq pon ttzi nim a'. Txul t-xi' toj a' ex b'e'x kyej qe wi' ikyju.

Tojxi' juntl q'ij kub' tb'isin kjalun: Chjonte te wi' xmojin wi'ja tu'n nkanina toj a'. Tb'anilxix nchwinqlila ja'la, chi nitz' wo'.

Tb'anil nab'il:

Qa ati mya b'a'n sul kanin qi'j, mi'n qo jaw b'isin. B'an tu'n tjaw qiq'in qib'.

Oswaldo Aguilón Pérez
Comitancillo, San Marcos

²⁰Toj junjuntl tnam aju wo' ax tb'i xtx'o

²¹Toj junjuntl tnam aju nitz' ax t-xilen b'o's mo much'.

